

續山東考古錄

續山東考古錄卷之二十八

滄州葉圭綬子佩

山考

古有今無之山

濮州厯山 山東境內厯山凡五州與厯城蒙陰沂水費縣也
在濮者近雷澤差足依據水經注稱其孤立峻上亭亭傑峙元
史和尚人名傳子千家奴延祐五年致仕退居濮上築先聖晏
居祠堂於厯山之下是元時茲山尚在今其地名厯山廟莽平
無拳石而雷澤亦涸無勺水陵谷變遷於斯爲信

曹縣曹南山 詩曹風南山朝隤元和志曹南山在濟陰縣東

二十里當在今縣北與潯澤定陶接界處今無

通志稱在曹縣南八里非是

泰安縣龜山

杜預稱在博縣北水經注謂在北十五里今無

平原縣原山

三國魏志管輅傳注輅別傳曰輅曰平原者本

有原山無木石是魏時已無矣

武城縣紫薇山

唐天寶末清河人崔以清言見元元皇帝於

天津橋北云藏符於武城紫薇山今無

恩縣有西山實培塿耳縣志謂即紫薇山不足

據

莘縣弁山

九域志冠氏有弁山通志謂在莘縣北四十里今

無

通志稱左傳閭邱嬰出弁中即此按嬰自齊奔魯不能至此且一過一誰能懼我乃山谷陿狹之處縣北平暢之地非是

定陶縣蒗山

在故城東北今無

館陶志舊有陶山今無於古亦無據

無考之山

轉附 朝儻 孟子齊景公曰吾欲觀於轉附朝儻四書釋地
云二山杳不知所在惟趙氏德南宋人有轉附附作鮒屬東萊
之說殊無依據妄意二山當在海之東盡頭如成山召石山之
類登之可以觀海自臨淄一千三百里抵於海復自海千一百
餘里至琅邪凡二千四五百里以春秋之侯封而騁其雄心肆
其遠略真從古所未有余按齊當景公時東境極於姑尤姑尤
之外並非齊地景公烏能馳域外之觀乎寰宇記轉鮒在掖縣
今縣東境轉山是也此山之東數十里卽大姑河正其時極邊
之地沿姑水而南至其入海處稍南則得卽墨之勞山爲齊東

陸山之最大而名勝可觀者古人名山所繫者大轉附或卽姑
尤上源掖與招遠一帶之山朝儼或卽勞山乎自朝儼則遵海
直南逕放琅邪矣若至成山不惟在姑尤之外且須轉而西行
再折而遵海南行方至琅邪文義亦不甚合寰宇記成於宋初
所據皆唐代以上之書定有所本閻氏謂說始南宋亦失考也
配林 禮記齊將有事於泰山必先有事於配林盧植曰配林
小山林麓配泰山者也余謂以上文惡池例之當是山名沂山
有小泰山之名或卽配林乎

萊山柞山 春秋左傳辭以無山與之萊柞

具山敖山 春秋左傳先君以獻武廢二山則二山改名久矣

後漢志盧縣有敖山劉昭以爲卽具敖之敖今長清平陰之境
無所謂敖山魏志東泰山郡新泰有嶽山寰宇記新泰縣嶽山
在東十一里具山在東三十八里與漢志又不同疑皆出附會
山桑谷 漢書五行志河平元年泰山山桑谷有蠶焚其巢
天山東平陵渠邱山東阿據三國志程昱傳當在漢縣東芳陘山地邱三山見後漢志
建成山 後漢書公沙穆膠東人居建成山中

勝山 東觀記曰西海有勝山當在今日照縣境

標榆谷 晉書載記慕容法及魏師戰於濟北之標榆谷

根余山 又石勒傳晉青州刺史曹嶷欲徙海中根余山

岫峨山 宋書符瑞志文帝元嘉五年七月丙戌白虎見東莞

莒縣嶠峨山

柏谷 又向靖傳留戍囑嗽進屯石門柏谷當在平陰西南

馬耳谷 又王懿傳進屯靈昌津虜於委粟津度河進逼金墉

虎牢洛陽諸軍相繼奔走到彥之聞二城不守欲焚舟步走懿

曰洛陽既陷則虎牢不能獨全且當入濟至馬耳谷口更詳所

宜乃回軍沿濟南歷城步上焚舟棄甲還至彭城按沿濟南南

字疑是到字之訛蓋沿濟水而行到歷城境舍舟步行也章邱

有馬耳山原山亦名馬耳山皆不濱濟水此馬耳谷當在歷城

長清之間

雲母山 貞女山

二山梁父 貞女山疑卽秦野首山 兗州祝安之紅山詳雜考怨女城下 博平祝

邱鉅平今泰安東北四十許里有馬山 桑杜邱二山任山野

金闕山平飛鳥峴東魏郡三總山齊州咸山祗山二山魚脊

山不昌邱日山二山東曲城昌邱疑卽防山承以上十六

山見魏志

固山 大鄉山 魏書刁雍傳於河濟之間招集流散劉裕遣

將李嵩討之雍斬之於蒙山於是進屯固山又侵裕青州雍敗

保於馬耳山又爲裕青州軍所逼遂入大鄉山按蒙山以南山

多以固稱南北朝時有五固此固山未詳何山近青州馬耳山

卽原山大鄉山當與相近

苑燭山 又食貨志尙書崔亮奏南青州苑燭山齊州商山並

續山東考古錄

卷之二十八

四 蝸角尖廬

是往昔銅官舊迹見在

太陰山 又靈徵志景明元年齊州山荏縣太陰山崩

靈壽山 又正光元年齊州上言濟南郡靈壽山木連理

韓信山 又釋老志東萊人王道翼隱韓信山

遊仙山 盧 汴山 臨胸 疑巨神山 昌陽 實字記文登縣昌山

有昌山郡國志云昌陽有巨神島有龍祠能興雲雨崔琰避黃巾於此山綬按此是兩山本兩條中間少空一格齊乘引此云昌山有巨神島爲不辭矣 大祠山 臨沂 以上四山見隋志

五不及山 隋書董純傳東海賊彭孝才轉入沂水保五不及

山

銀山

蓬萊 奕奕山 乾封 二山見新唐志

聖王山 舊五代史梁楊師厚傳率步騎屯於臨朐而聲言欲東援密州留輜重於臨朐青州王師範果出兵來擊師厚設伏於野追擊至聖王山

采金山 宋史河渠志齊州有采金山史家渦二埽

磨旗山 又叛臣李全傳楊安兒起掠沂密爲金完顏霆所敗單舸走卽墨舟人斬以獻其妹四娘子統衆萬餘掠食磨旗山全以其衆附楊氏

大小峻角子山 金史僕散安貞傳楊安兒餘衆保大小峻角

子山

詳雜考巨蒙垠下

按此餘衆卽楊四娘所統也而山名與宋史不

同或別股歟

灰山 又田琢傳興定三年沂州總領納合六哥破灰山垵沂境以安

芹泉谷 又王英傳益都人所居名芹泉谷

四腳山 元史合剌普華傳嘗以事至益都於四腳山下置廣興商山二治

弗其山 淮南子汶水出弗其山詳水考

虎窟山 圖經南燕建平中濟南太守胡咨得白免於穀城虎窟山按穀城非濟南屬疑濟北之訛也金史蒙古綱傳張林侵掠東平遣玉庭玉討之至舊縣林據嶺爲陣大破之招降虎窟諸寨舊縣正古穀城地當卽虎窟山之寨約在今東阿南境

剛山 太平御覽引後趙錄石虎遣司農中郎將費霸帥工匠四千於東平剛山造獵車千乘

岐陽山 元和志稱在豐齊縣東南五十里今或在歷城境

高陘山 又泗水縣下云盜泉出東北高陘山後人惡盜泉而隱其名並此山亦不可考矣

烏趣山 石阜山 寰宇記文登縣下云西北自黃縣更經烏

趣石阜二山之間又東經縣理東達於海烏趣疑卽今昆嵎山

又作姑餘山者

不言蓬萊年平此條必齊隋間之書

夜唐山 九域志掖縣有夜唐山

金志掖有掖居水卽今掖水此誤作山名耳作居作唐則

未知

就是 又安期山

萊蕪鬱蔥山平陰

並見九域志

近志失載古名之山

居上山 漢志廬縣下云居上山聲洋丹水所出按居上確是山名聲洋水今清洋水發源棲霞縣東之靈山迤東與鉅齒山接脈疑古統名居上山或曰上當作止居止音轉爲鉅齒耳

陽邱山

又曲成縣下云陽邱山治水所出按卽今招遠縣北

蹲犬山也

詳水考

蹲犬之名見於三齊記名亦古矣王念孫以陽

邱爲掖縣之馬鞍山馬鞍山在掖東南古縱爲曲成地然是尤水所出非姑水所出治字爲姑字形訛甚明也

天室山

又卽墨縣有天室山祠今平度北五十里天柱山也

斧山一作缶山

魏書崔挺傳光州治舊掖城西北數里有斧

山峯嶺高峻北臨滄海南望岱岳一邦遊觀之地也挺於頂上
營觀字按卽今福山祿山也福卽斧之訛古本一山耳隋志按
有岳山卽此一統志知爲斧山仍不知卽隋之岳山

虞邱山 又靈徵志太和十九年光州地震東萊之牟平虞邱
山陷五所一處有水卽今蓬萊縣南七十里之邱山也

馬嶺山 卽蓬萊縣馬鞍山詳沿革

開明山 隋志嶺臾縣有開明山卽今費縣西北聰山也

韶山 今萊蕪縣東北之杓山詳沿革

障山 今蒙陰縣東之長山詳沿革

盲山 唐書崔宏禮傳改天平節度使徐泗王智興檄兗海郛

曹溜青當徐道者出車五千乘轉粟饋軍宏禮度道遠乃自充
開盲山故渠自黃隊抵青邱師人大濟按所開卽桓公河盲山
卽嘉祥之萌山

見水考

舊說有誤之山

華不注山 一統志謂卽靡笄山按左傳壬申至靡笄之下癸
酉陳於鞏敗齊逐之三周華不注靡笄在華不注南明矣前錄
以爲卽厯山最當齊乘以華不注爲金輿山非是

琨瑞山 魏書釋老志稱泰山琨瑞谷水經注玉水導源朗公
谷舊名琨瑞溪水亦謂之琨瑞水其水西北逕玉符山元和志
厯城縣神通寺在縣東

當作東南

七十里琨瑞山中魏書奉高有玉

符山隋志博城有玉符山齊乘疑爲厯城縣西南之方山近是又疑爲長清縣之靈巖山其山非玉水所逕非玉符山甚明然並未以靈巖爲琨瑞山也近世長清李興祖撰靈巖志竟以爲方山又卽以爲琨瑞山以中川水爲玉水據于氏疑似不定之說踵焉而甚其誤反力攻酈注盡謬於往籍而不顧余謂靈巖未必非明公遺蹟逕以爲琨瑞山則失之遠矣

危山 在章邱縣西南四十里詳沿革齊乘稱在縣東北五里誤看寰宇記文以亭山廢縣爲章邱也 又東平州東龍山近志謂卽汶水所逕之危山與水經注不合詳水道考

荏山 漢志荏縣下應劭曰荏山在東北當在今長清張夏鎮

東北長清迤西南抵古黃河皆茌山下之平地故以茌平名縣
近志謂茌山在今茌平城內紀要謂在今茌平西二十里皆謬
茌从艸从在俗作茌非是

梁父山 在泰安縣東南徂徠山東唐書房元齡議奏梁父山
在泰山東南七十里紀要稱在泰安州東百十里蓋本與徂徠
山接後世統名徂徠山而以隋梁父縣北一小山爲梁父非也
互詳沿革

牟山 在福山縣西北近志謂在寧海州非是詳沿革

昌山 在文登縣西近志謂在萊陽通志謂在海陽縣西八十
里非是詳沿革

盧山 在寧海州東二十里寰宇記齊乘並稱此山北至海百
里實十許里耳蓋傳寫之訛

斥山 在榮成縣寰宇記文登縣斥山爾雅東北之美有斥山
之文皮焉按此山並無文皮之產爾雅所指似在遼東

鳧山 元和志稱在鄒縣東南三十八里宋史顏太初傳所居
在鳧繹之間繹山在鄒縣東南二十里鳧山當又在其東南齊
乘稱在鄒縣西南五十里乃古承注山以上有伏羲廟訛伏爲
鳧耳詳魚臺沿革嶧縣北亦有鳧山

冠石山 費縣武水發源冠石山魏志南城有關石山卽此山
漢志以治水所出之聰山當之而係之南武陽誤也

詳水近志考

瀋陽縣志卷之二
載朝城亦有冠石山蓋濕水亦名武水濕出東武陽故云然耳
臨樂山 漢書景祐本作臨樂子山今本作臨樂子山皆誤詳
水考洙水下

金鄉山 在嘉祥縣近志謂在鉅野或金鄉者皆誤詳沿革
高平山 在魚臺極東北與濟寧州鄒縣接界處

存疑

東弁山 古今注永元四年東萊東弁山野豷成繭疑東牟訛
云云山 泰安新泰蒙陰皆有之未詳孰爲禪云云者
刀梁山 新唐志壽張有刀梁山當卽梁山未知是否

牙山 在鄒縣東南十二里元史嚴忠嗣傳云攻鄒之嶧山勝

之牙山或金時屬滕縣

漢志博縣下云有泰山廟岱山在西北來山上按來山上三字百思不得其解此景祐本也汲古閣本作求上山

附論

紀山 近志稱在臨朐縣東十五里水經注稱丹山在朱虛東北朱虛故城在縣東南六十里而白狼水兩丹水滴水皆謂出自丹山是今昌樂縣南臨朐東北大抵皆古丹山後世名析愈多遂以其西麓一峯當之耳丹山或訛凡又訛九訛几紀音同几故又作紀山

沂山 元和志沂山在沂水縣北一百九十里九十二字衍文

沂水發源於蒙陰縣北百餘里之臨樂等山蓋自彼至此古皆沂山也或曰此東泰山後人誤以爲沂山不知東泰山正沂山之異名後人分爲二耳

蒙山 元和志以蒙與東蒙爲二山余謂蒙在魯東故曰東蒙顓臾爲東蒙主豈惟主東蒙不主蒙山耶必不然矣今又分爲東蒙雲蒙龜蒙三山惟齊乘以爲龜蒙二山最當魯頌云奄有龜蒙遂荒大東自同是魯東境之山夫子望魯龜山蔽之山之高大可知今所謂龜蒙頂者峯極高峻形正如龜在蒙陰之極西南當是龜山在蒙陰之南與東南者爲蒙山合言之則曰東山分言之則曰龜蒙後人因龜山與蒙山相接以爲蒙山西麓

而稱之曰龜蒙頂遂使魯境有蒙山而無龜山矣若龜陰之田其山或是泰山南一小阜與龜蒙無涉

亢父山 古人稱亢父之險今無知此山所在者余謂嘉祥九十九山古皆亢父山也古鉅野澤縱廣四五百里在其北蒗水孟諸豐泡諸澤在其南不能不取道於此後世諸澤皆涸處處可方軌而行無知亢父之險者矣互詳沿革

巫山 左傳齊靈公登巫山以望晉師今肥城東北六十里孝堂山也按漢志齊襄公淫亂姑姊妹不嫁於是令國中民家長女不得嫁名曰巫兒爲家主祠齊乘云平陰廣里有巫兒山豈以主祠女得名耶余謂宋玉賦神女固文人寓言然蜀地巫山

與高唐風馬牛不相及巫兒山地近高唐所謂神女必其時因
巫兒主祠世俗謬爲附會則巫山神女正非無端捏飾戰國之
末楚已滅魯平陰一帶正楚齊連界處故王得聞其說幸郭巨
非毋洗此穢名而十二峯遂蒙其垢

續山東考古錄卷之二十九

滄州葉圭綬子佩甫述

水考上

此卷專考水經注山東境內水道凡古今絕或水道移徙或經注有誤他書稱引有誤者或通考或摘考餘不逮及禹貢雖指所引經注不分茲仿其例以便觀者經注有異辭仍分書經注原文大書他書居中細書鄙說旁書已見沿革者不復贅其零星稱引者不論

漳水故道

此禹河故道也故以居首

自直隸肥鄉縣列人故城西又東北逕平恩縣故城西後改東北入山東逕館陶縣西北境

東北逕今邱縣城西東北逕南山縣故城西又東北入直隸曲周縣境

大河故道

此周定王五年初徙之道漢人稱貝邱川以為禹蹟者誤也王莽時空又名王莽河

自直隸元氏縣沙邱東北逕館陶縣東四里冠氏縣北十八里

見元志又東北逕發干縣北城西北似有南二城又屈逕其北觀去館陶冠氏里數

河逕發干之西與北不能直至城下也禹貢錐指岡河逕發干城下而冠氏故城遂在館陶南幾百里矣甚不合其圖如此者

不少不見寰宇記又東北逕隋堂邑縣北十里字記又東北逕貝邱縣故

城南又東逕甘陵縣故城南又東逕艾亭城南又東逕平晉城

卽隋清平縣城南十八里漢博平縣北十八里並見寰宇記又東逕今清平縣

南漢書溝洫志宣帝地節中光祿大夫郭昌使行河北曲三所水流之勢皆邪直貝邱縣恐水盛隄防不能禁通各更穿渠

直東經東郡界中不令北曲渠通利百姓安之據此知逕貝邱以後又東云云卽改而直東之道孟康注禹釁二渠一渠卽出

貝邱西南南折者禹貢錐指引作西南二折以爲當作三折按三折正指二曲若作南字其地之河並未南折也或古本本是

三字訛作二傳寫者又誤作南之重字耳志又云郭昌穿直渠後三歲河水更徙第二曲閭北可六里復南合元帝永光五年

清河郡尉馮遂奏今其曲勢復邪直貝邱百姓寒心宜復穿渠東行不豫修治北決病四五郡南決病十餘郡遣許商行視以

為可且勿後三歲河果決於館陶及東郡按郭昌開直渠後河雖復決而經注所載貝邱以後但書東逕某某故知仍郭昌所開矣又東北逕靈縣故城南別出為鳴犢河又東北逕高唐東

十七里見寰宇記今高唐州夾灘河是又東當作東北逕平原縣故城西今平原是北

絕屯氏三瀆又北逕今平原縣西五里見元和志又北逕繹幕逕今恩縣東

縣故城北西逕高縣故城西今德州老黃河是又北逕隋長河縣東五

里又北逕隋將陵縣西十里並見元和志自此出山東境

屯氏河故道 鳴犢河故道

首受大河故瀆又東北逕館陶縣故城東元和志屯氏河在館陶縣西二里與此不

合疑唐縣非漢治也詳沿革志又稱永濟渠即屯氏河在縣西十里又言永濟渠為白溝蓋或出或入不能專行一渠也在縣西二里者是古道在西十里者為現行之渠必其上流為屯氏河故道故云然耳又東北分為別河寢

記臨清縣屯氏河在西十五里未詳其地已分別河否又東逕甘陵之信鄉縣故城南又

東逕甘陵縣故城北寰宇記夏津縣北有屯氏河按下即逕靈縣北當在今夏津高唐之間如逕夏津北

下即當直逕鄒縣不能南逕靈縣北也在夏津北者疑是屯別濱又東逕靈縣北今高唐北又東北

逕鄒縣與鳴犢河合鳴犢河自靈縣故城南首受大河東北逕靈縣東東

入鄒縣而北合屯氏濱以下屯氏鳴犢通稱又東逕鄒縣城北東北合大

河故濱謂之口今恩縣南馬頰河又名津期河東北入平原境合蒲河處即古鳴犢口也漢志屯氏河至章武

入海與水經注互異或以屯氏合十三州志曰鳴犢河至修入大河經流經流通稱屯氏河歟

屯氏考濱則不至也禹貢雖指圖鳴犢河絕屯氏河西北至修合清河與十三州志水經注皆不合未詳

所據劉向新序趙簡子謂其相曰趙有犢犢晉有鐸鳴魯有

孔某吾殺三人者天下可王也使入召孔子孔子至河間已殺犢犢鐸鳴臨河而返按此事甚不經簡子晉賢大夫何至欲殺聖賢以圖王其時三家未分晉無晉趙並稱之理則亦好事者

爲之耳。犢鳴本是二人國語。賓犢對簡子。戰國策作鳴犢。犢犢通鑑外紀作殺鳴犢。漢書古今人表二人列中。上先鳴犢。後賓犢。諸葛豐傳師古注曰。鐸犢。賓其聲相近。故有不同。史記作開賓。鳴犢之死。以二人爲一人。漢書師古注引史記作鳴犢。賓犢是可知。古本原不誤。今本乃後人妄改之耳。水經注。河水篇載是事於四瀆。津後後人多譏之。蓋未達作者之意也。濟水白榮瀆。枯絕不復分流。至四瀆。津始分。河入濟。渠自合流。至此千數百里。二水亂流。儼同江漢。孔子所臨者。河水而歌。稱狄水湯湯。狄水。濟之別名也。道元引之。於河分水入濟之處。以證河濟可通。稱見河水中。有濟水耳。並非謂孔子適晉於彼渡河也。近志因鳴犢。河名又附會其事。於博平於鳴犢。河口指爲孔子還轍處。不知自衛適晉。何以至此。且晉殺賢人而齊以名地。有是理耶。

屯氏別河故道

屯氏別河

北瀆故道

白鹿淵

首受屯氏河。處今不能確指。約在館陶臨清間。

東北逕信城縣張甲河出焉。

九域志。臨清有張甲。

河蓋其首受屯氏別河。處當在今臨清州西北。稍北入直隸廣宗縣境。

又東枝津出焉。別瀆又東。

北逕清河郡南。

北曹魏郡城非漢郡。

又東北逕清河故城西。

此漢清河侯城。並詳清平。

又東北逕繹幕縣南分爲二瀆

今恩縣南

北瀆東逕繹幕縣故城

南東絕大河故瀆又東北逕平原枝津北出至安陵縣遂絕

此枝

津今無考一統志誤引此句於大河故瀆下

北瀆又東逕重平縣故城南

又東逕今德平縣北

德平以西馬頰河是以東今令南瀆北瀆無考

又東北逕重合縣故城南

入今樂陵境

又東

北逕定縣故城南

樂陵之鈞盤河環城而東北出其故道

又東入陽信縣今無水

名咸河

陽信縣志以今縣南枯渠爲咸河非是又誤作成河

東北逕陽信縣故城北

今海豐縣

北有盤河村○無棣溝之津逕尚城南又東北於鹽山東北入海今海豐北有無棣溝未詳卽故道否附詳於此備考

注於海 南瀆自平原東絕大河故瀆亦通謂之篤馬河逕平

原縣故城北東北枝津又出東北至安德縣界東會商河

此枝津今

無考南瀆於平原界又有枝渠石出至安德縣疑陵縣德水是南瀆東北

運安德縣故城西

禹貢錐指圖誤以為今陵縣治詳陵縣

又東北逕臨齊城南

今陵

縣又屈逕其東又東北逕重邱縣故城西

今神頭鎮自今平原縣南至此今鴻溝合

趙王河東北至陵縣合潞洋河是

又東北逕西平昌縣故城北東入般縣為般

河蓋亦九河之一道也又東為白鹿淵南北三百步東西千餘

步深三丈餘其水冬清夏濁渟而不流若夏水洪汎水深五丈

乃通注般瀆

今德平縣東二十許里有一泊水恒不涸當即白鹿淵也

又逕般縣故城北

德平

境內馬頰河是

東逕樂陵縣故城北

樂陵境內徒駭河是

又東逕唐陽信縣西北

四十里

見元和志

又東北逕陽信縣故城南

樂陵之徒駭河又東合北瀆為一渠逕海豐之

陽信故城北陽信故城南今東北入海猶有古堤則南瀆之所經也

屯氏別河枝津故道

首受別河處今不能確指約在今臨清境東逕信成城南信成故城在唐清河縣西北十二里見寰宇記禹貢

雖指圖位置於清淵縣又東逕清陽縣故城南清河郡北曹魏故城西南五十里誤

又東北逕陵鄉南又東北逕東武城縣故城南又東北三十里

東陽縣故城南又東散絕無復津逕今武城夏津臨清東北境之衛河約略是其故道

河水故道

此西漢末至宋初河道

自直隸開州東逕後魏臨黃縣南三十六里見元和志又東逕鄆城

縣北十八里元和志作二十一里河北有衛新堊考此渠古

為盧津關又名高陵津寰宇記稱在臨黃縣東南三十五里又東北逕范縣秦亭西又

東北為委粟津寰宇記稱在觀城縣東南六十七里河北即東武陽縣漯水出焉

將渠亦又東逕東武陽縣東即唐朝城縣東二十九里見元和志又

即今壽張縣西
之沙河其故道
范縣西為倉亭津
今陽穀縣西
又厯柯澤
今陽穀之西湖莘縣

之黑龍潭聊城之蓮
花泓鵝鴨陂皆是
逕隋武水縣南二十里
見元和志鄧里渠出此
逕東

阿縣故城西即逕隋陽穀縣北十二里
見元和志
東北逕昌鄉亭北

碣磳城西
即漢茌平縣城
又逕其北一里為碣磳津
見元和志盧縣
即後魏聊

城縣南四十三里
見元和志茌平南
又東逕平陰縣北
西十里
寶

字為四瀆津
河於此分流入濟瀆共行九里由濟可達淮出淮

南五十里
聊城縣東南八十里
寶字記謂在聊城東南五十里

疑有誤
齊書武成紀河清二年齊州言濟河水口見八龍升

天即四瀆津也
又東北故城東在此
逕茌平縣城東
此城又稱時平城後魏縣治也

又北逕隋長清縣北
西北非直北
五十五里
見元和志
又東北過高唐縣

界漯水注之
即絕漯而北也
今禹城縣趙牛河及趙
牛岔河是其絕漯處今有顯濕橋可證
又東北

逕楊墟縣東南河出焉又東北逕高唐縣故城西卽逕高齊高

唐縣東四十五里見元和志又北逕張公城東又北逕平原縣故城

東逕逕平原東南境卽逕今平原縣南五十里見元和志右溢爲甘

棗溝又東北逕阿陽縣故城西又北逕今禹城又東北過漂陰

縣逕逕其北境也卽逕安德縣城東商河逕安德城東河亦

隋安德縣今陵南八十里見寰宇記元和志爲鹿角津在安德縣

五里又在臨邑縣西北七十里見元和志唐臨邑在今濟南府

北六十里則鹿角津當在今臨邑西南近志誤以陵縣爲漢安

德又誤以今臨邑爲唐縣遂東北逕般縣樂陵枋鄉厭次南卽

劉宋僑臨邑縣北七十里見元和志隋商河縣南十八里見寰宇記

十里作八隋臨濟縣北八十里漢鄒平縣北八十里隋厭次縣南三

里並見元和志又卽今臨邑南而河南濟陽北惠民南也禹城

之土河及順水土河又東北名小支河入惠民境名聶索河

卽其故道其逕漢般樂陵初厭次四縣皆第逕其南境並非至

其城下蓋商河在河北已不能皆至諸縣城下况河又在其南

乎爲厭次河河似當作津經文此下有又逕漂陰縣故城北

之西南境河已至厭次則至今惠民南安得又逕漂陰北乎疑

上文重出否則漂沃之訛也注文亦未耕及之禹貢雖指反刪

去上文過漂陰縣北句而存此句並稱漂陰城當在今青城境

其謬其圖又以此爲漂陽城考漂陽城在劉宋臨邑西北五十

里安得又東北爲漂沃津今濱漂沃縣故城南此句是注文蓋

在此乎縣城又東北逕千乘北城北應劭稱河在千乘城西北五十里

南也又東北逕千乘北城北千乘城在今高苑北二十五里今

蒲臺北之大清又東北逕蓼城縣北今本訛蓼作黎禹貢雖

河似其故渠矣又東北逕蓼城縣北指竟改作利城縣大謬分

爲二水經流東北過甲下邑濟水從西來注之故道當在今利

謂卽大枝津東逕甲下城南經流當東南厯馬常坑注濟枝津

清河枝津東逕甲下城南經流當東南厯馬常坑注濟枝津

古人治水不與水爭地漢人猶識此意大河入平原郡後其
縣城惟著縣差近餘皆去河數十里或百許里鄆氏雖云邈某
縣城某方其實有相去甚遠者禹貢雖指不詳考故道所在但
據書作圖鮮不誤矣曰西漢末至米初大河皆行此道然亦
小有攷移元和志黃河在渤海縣西北無棣縣東南各六十里
禹貢雖指以爲唐景福攷流之道又寰宇記蒲臺下云黃河西
南去縣七十里亦指攷流言今惠民縣北鉤盤河又東北入陽
信界陽信志以爲咸河也宋初唐馬頰河分支逕商河北樂陵
南厭次南陽信南與攷流道合蓋唐馬頰河下流合屯別南漬
故此亦得鉤盤之名今又名贊河又東北入雷化界名舊黃河
入海卽其故道其攷流之處古無明文當在今商河惠民境矣
禹貢雖指圖攷流處在厭次東南考唐棣州本隸河北道見元
和志而唐志則隸河南道此攷流後棣州城在河南之明證胡
氏當亦臆度耳元和志安德縣南八十里有鬲津枯河正今禹
城之土河土河通稱徒駭河惟禹城境內名鬲津河蓋卽水經
注所謂過漯陰縣安德縣爲鹿角津一段鬲津乃角津之訛妄
字記臨邑南二十里有古黃河是唐及宋初已稍移而南矣記
又稱黃河在禹城縣南七十里東北入臨邑界與水經注迥不
符而今趙牛河自禹城南東北流入濟陽西臨邑南與土河合
頗似其故道與元和志在高唐東四十五里平原南五十里之

形勢亦不符則又唐末或五代時改流也

汧水

首受榮漬於河南原武中牟二縣間名漢薄渠漢一作葭又名陰溝東北至今開封府北曰汧水又名丹

水又名浚儀渠東至考城名舊獲渠後人避反字改作汧漢平帝時大河會行此渠六十餘年後漢明帝時王景治之河汧復分河復故道汧渠隋名通濟渠唐名廣濟渠元初河自過渠復改由汧明築黃陵岡消滴不復北流汧遂獨受大河矣自考城又東逕山東曹縣南四十里又東至江南豐縣界出山東境卽水經注自貫城南至下邑北之道也迄今不改

漯故道

黃溝故道

自今范縣城東北古東武陽東南首受大河

西北逕東武陽新城東唐朝城縣城東

十步

見元和志

東逕東武陽縣故城南逕岡城南逕陽平縣故城東

又北絕莘道又東北逕樂平縣故城東

又北逕今堂邑縣東

又北逕聊城

縣故城南

今聊城縣北

又東北

絕今運渠何代

清河縣故城北

即發又

東北逕文鄉城東南又東北逕博平縣

南

右合黃溝黃溝水聊

城郭水東北逕清河城南又東北逕聶城北又東逕文鄉城又

東南逕王城北

即後魏迄唐聊城縣治

又東北左與漯水隱覆勢鎮河陸

東出於高唐縣大河右逕東注漯水

河絕漯而北漯絕河而東今禹城縣西南六十里有

顯濕橋即河漯交流處橋跨枯渠自西來長六七十里自此橋下東合趙牛岔河土人猶名為漯河濕即古漯字漯水遺蹟此

外惟鞠城小河約略是之餘了無存者矣 漯水又東北逕援縣故城西又逕高唐縣

故城東又東北逕漯陰縣故城東

縣名漯陰當在漯南故城在臨邑縣西十里臨邑在漯

南漯當逕其西與北逕其東則在漯北矣疑有脫誤 又東逕劉宋僑臨邑縣北七里

見元和志

又歷北漯陰城

在漯陰北五十里又字下無東北字逕漯陰城北即逕北漯陰南也

又東北逕著

縣故城南又東北逕崔氏城北東南逕朝陽縣故城南又東逕

伏生墓南

今齊東南之寄駕塚是在鄒者疑塚也

又東北逕鄒平縣故城北又東

北逕建信縣故城北又東北逕千乘二城間又東北爲馬常坑

東西八十里南北三十里亂河枝流而入於海河海之饒茲焉

爲最

太平御覽地部四十引述征記曰齊人謂朔曰沆讀書難志曰沆大澤也其字或作沆或作坑或作亢又爲鹽澤之

名或作坑凡從亢之字隸或作亢故沆字或作沆一誤而爲沆再誤而爲沆又或誤作坑作元馬常沆當在今樂安縣北南

燕慕容德置鹽官於烏常澤見晉書載記寰宇記作烏常泛余謂卽古馬常沆烏馬音形並近而說水澤之稱無泛字泛又沆

之訛也樂安北有寬闊稍爲小清河所匯王家岡等鹽場皆近其地馬常沆爲河海之最饒古亦鹽澤可知樂氏係烏常泛於

臨淄臨淄無大澤不產鹽其誤甚明齊乘謂卽壽光黑塚泊蓋指一大鹽澤當之而不知卽古馬常沆也居易錄謂烏常澤當

近蒲臺以述征記烏常泛有秦蒲臺之說秦臺在今濱州東不在蒲臺古澤周迴二百餘里則所包者廣矣

浮水故道

上承大河於頓邱縣東逕今直隸清豐縣之衛國縣故城南又東逕河牧城而東北出又東北入東武陽

縣東入河今范縣北河牧城雖列雜考

商河故道

首受河於楊墟城東亦潔水及澤水所潭水也淵而不流世謂之清

水歷澤而出注文此下有俗謂之落里坑六字是衍文逕張公城西又北重源潛發

世謂之落里坑亦曰小漳河又北逕平原縣東第逕其縣東境黃河在商河東

愈不能至又逕安德縣故城東北逕平昌縣故城南此前漢平昌城非後

漢西平見元和志今臨邑之馬頰河商逕今商河縣北十五里河之沙河是近志誤以為馬

昌城皆通逕又東逕河又東逕般縣故城南又東逕樂陵縣故城南其縣南

初縣故城南此逕城下沙溝水注之水南出大河之陽泉源之不合

者一百步其水北流注商河此商河在北大河在南明証也禹貢雖指反稱大河在北商河在南

豈未見此文耶今惠民縣南今稱龍蹠河商河又東北逕今惠民縣南今稱龍蹠河

民惠民溝疑其故道元和志謂商河在縣次縣南

四十里考大河在唐縣次縣南僅三里商河斷不能在河北而逕馬嶺城下馬嶺城在唐縣次縣北數十里商河斷不能在唐縣次縣

南四十里或是在北去縣四十里逕馬嶺城西北而流當是逕馬嶺城

不諳元和志書法者傳寫誤也西而屈而東注南轉逕城東城在河曲之中又東逕富平縣故

城北又北分爲二水南水曰長聚一作溝水南有蒲臺在今濱州東北十里齊乘濱

州北有土傷河即商河南水也疑因北水曰白薄溝疑舊化東

久涸稱死商河耳今與土河爲一渠北入海

甘棗溝故道

自古平原縣東南大河東北歷長堤循大河南堤逕深陰縣北東逕著城北東爲陂淀淵潭相接世謂之穢野薄今禹城至濟陽之土河卽其故道陽多窪潦卽相接陂淀淵潭也有巨泊曰淮里窪卽穢野舊矣一統志謂在今臨邑北謬大河在甘棗溝北唐中葉以後稍徙而南卽行此渠故今土河形勢反大於小支河也近以土河爲深渠非是

瓠子河故道

自濮陽故城北首受大東逕臨濮縣北二十一里見寰宇記東至句河東逕桃城南清邱北

陽縣爲新溝又東逕成陽城北都開縣之羊里亭南爲羊里水又東

合濮枝渠 濮枝渠自鉅邱城南浚城南又東逕句陽縣西句瀆出焉又

東北逕小城陽城東垂亭西北入瓠河今濮州東無名河是瓠河又東逕

垂亭北又東北逕雷澤北廩邱縣之羊角城南郿都縣城南又東逕

黎縣故城南又東逕稔縣故城南又東逕鄆城南今鄆城南之老黃河是

又北過范縣東與濟濮枝渠合 濮濟枝渠上承濟瀆於乘氏

縣當在今鉅野乘氏故城西濮合濟水處 北逕范縣左納瓠瀆又北與將渠合

將渠受河於范縣西北今范縣東南逕秦亭西即今范縣東二十里之范縣故城也

又東南逕范縣故城南今壽張范城橋南之趙王河是其西則非將渠首受河處兗州府志壽張縣圖

古沙河有枝渠東南出其遺蹟又東會濟渠自下通謂之將渠北逕范城東俗

又謂之趙溝非也趙溝出於濟枝流之馬頰渠或又分流與將渠合得通稱歟 又東北過東

阿縣與將渠枝瀆合 將渠枝瀆上承將渠於范縣東北又東

北逕東阿城南而東入瓠河瓠河又東北過臨邑縣西與鄧里

渠合 鄧里渠上承大河於東阿縣西東逕東阿縣故城北又

東北逕臨邑縣與將渠合北逕荏平縣東臨邑縣故城西此段兼錄

河水篇鄧里渠鄧里渠所承之大河前漢所無則瓠河本不

合此渠王莽河改流之後始於東阿西分支入瓠潰故不載此

渠於瓠河而別附之大河篇也若又東北過祝阿縣爲濟渠河

將渠蓋本受漯水後又受河水者

水自四口出爲濟水二潰合而東注祝阿也以下卽濟潰首注云濮陽縣北

十里卽瓠河口也尚書禹貢雷夏既澤離沮會同爾雅水自河

出爲離許慎曰離者河離水也其意以瓠河口至雷澤爲離水

故道也元和志雷澤縣離水沮水二源俱出縣西北十四里平

地禹貢雖指從之竊謂二源相去至近其會同卽至易少東南

卽雷澤書雷夏卽澤二水之治已在其中兗州之水大於此者

多矣何獨書此二小水二水卽不食同數里可入雷澤又何害

鄭注有云堯陵四周列水水澤通泉泉不耗竭此二小水似卽

此等泉水如早有離沮之名道元不應不載是知後魏時尚無

此名後人以近雷澤附會之耳水非

河濟所出與爾雅顯有不合不可從

以上河之屬

濟水故道

自河南滎澤東流至原武分爲南濟東流至蘭儀縣之又東過

宛句縣南又東過秦相魏冉塚西今曹縣之安陵又東逕左城南又東

北逕定陶縣故城南東逕陶邱北又東逕今定陶縣城北合荷澤水元和志

澤在濟陰縣東北九十里故定陶城東北世謂之五丈溝自荷

其地有荷山故名其澤爲荷澤今無水陶邱北古滎潰也古與滎澤不相通禹後代人所鑿自陶邱北

再湧出地始爲古濟道明正德六年定陶知縣紀洪於城西北

掘出一泉勢極洶湧急塞之遂止正出陶邱北之故地也無溝

渠以導之不能使禹跡復顯於世惜哉五丈溝指滎潰元和

志云魚臺荷水卽濟水一名五丈溝並河潰而名之矣宋史河

渠志廣濟河導荷水自開封歷陳留曹濟鄆其廣五丈太祖建

隆二年正月遣使往定陶規度發曹單丁夫數萬浚之真宗景

德三年內侍趙守倫建議自京東分廣濟河由定陶至徐州入

清河以達江湖漕路尋以水勢極淺罷之仁宗天聖六年間貽

慶言五丈河下接濟州之合蔡鎮通利梁山泊近者合蔡以下

散漫不通舟楫請治五丈河入夾黃河云云據此是宋之五丈河乃滎濱與北濟渠或濮濟支渠故道故由合蔡而通梁山泊今鉅野有老黃河是其故道蓋所分亦河水故俗以黃河名之與唐以南濟爲五丈溝者又異趙守倫所奏正河水故道今城武縣北猶有枯渠名廣濟河通鑑周顯德四年夏四月乙酉詔疏汴水北入五丈河胡注河自都城歷曹濟及鄆舊名五丈河宋開寶六年改名廣濟王海顯德六年命袁彥浚五丈溝渠東過曹濟梁山泊以通青鄆之漕舊五代史亦在顯德六年蓋五代時北濟故瀆猶未盡北屈左合汜水

東至漢乘氏縣西合北濟

北濟河

南原武縣東逕漢濟陽縣城北

又東北逕宛句縣故城北又東北逕呂都縣故

城南

又東逕今荷澤縣南

又東北逕定陶縣故城北又東北與濮水會

又東

合南

濟水又東至乘氏縣西分爲二

北爲濟瀆又北石合

洪水又東北過壽張縣西界安民亭南汶水注之爲清口

自乘氏西

東北流至壽張西所逕無一城蓋逕鉅野澤也今鄆城南有枯渠土人猶名濟河與鉅野之老黃河疑本一渠是其故道禹貢

雖指此圖錯誤尤多甚至位嘉祥於鉅野西位汶上於鉅野正北其不足據可知矣安民亭對安民山清口當視汶上在東北共圖在西南又於汶上西南分清水為二

一出汶上北一出其南與經注皆不合又北逕梁山東又北逕須句城西自此至厯城縣北即自厯城縣口又東北逕華不注

山又東北逕後魏平陵縣即唐全節北四十里見元又東過臺縣北

合芹溝水寰宇記長山縣引周志曰十二斤溝即百脈水齊乘十二斤溝名西麻灣一統志謂即芹溝但百脈水在

章邱東芹溝出臺縣南其入濟水尚在濟逕管城之前百脈水入濟注文在逕管城後當別一水今涸矣章邱西有白雲湖疑

在其地又東北過管縣南隋臨濟縣南二十里又東逕黃巾固即

宋高唐西四十里又東逕漢鄒平縣南三十五里並見元又東

過梁鄒縣北元和志濟在濟陽縣南一里曰入隴水時水津注會津唐濟陽即漢梁鄒蓋南徙矣

之又東北逕長山縣西北三十五里見元又東北過臨濟縣南

被陽縣北卽高苑縣北八十步

見元和志

又東北過平安縣迤爲淵

渚謂之平州

今新城之會城等泊是齊乘引作平州沈是沆之訛未審所本

又東北逕高昌縣

故城西又東北逕樂安縣故城南隋博昌縣北百步

見元和志

又逕

薄姑城北又東北逕狼牙固又東北過利縣西又東北過甲下

邑南東歷琅槐縣北又東北河水枝津注之又東北入海

章邱以東

卽小清河故道

今水經以大清河爲汶水道不知自戴村築壩盡遏汶出南旺湖濟逕今大清河之正源乃東阿狼谿水也

南爲荷水於乘氏縣西合黃溝枝流又東南逕乘氏縣故城

南又東過昌邑縣北

今鉅野縣南柳林河是

又東過金鄉縣南又東逕漢

平狄將軍朱鮪冢又東逕東緡縣故城北

今金鄉縣北三里潁河是

又東過

重鄉城南又東過方與縣北武棠亭北卽唐魚

臺縣北十里見

和志此元和四年以又東逕泥母亭北又東與鉅野黃水合又

前魚臺縣卽方輿城禹貢錐指云漢志山陽郡湖陵下

東逕秦梁又東過湖陸縣南禹貢浮於淮泗達於河水在南河

字係荷字東入於泗水道漢志乘氏下云泗水東南至睢陵入淮

洪水故道

之談是也東入於泗水道漢志乘氏下云泗水東南至睢陵入淮

洪水上承鉅野薛訓渚北逕關鄉城西又北合濟瀆自渚迄於

北口一百二十里桓温以太和四年率衆北入掘渠通濟自洪

口以上又謂之桓公瀆元和志任城縣桓公溝源出縣西四十

里按萌山在今嘉祥城內城東有枯渠卽桓水故道道元不言

桓瀆源此或唐時行桓公瀆者惟萌山泉也薛訓渚未詳所在

合山洪口以達濟遂並洪水得桓瀆之名耳

汜水故道 黃溝枝渠故道

汜水西分

南

濟瀆

分流處未確指

東北逕濟陰郡南城

左

又東北逕定

陶縣南又東北右合黃水枝渠

今定陶縣之南渠河是

黃溝枝流俗謂

之界溝北逕己氏縣

今本誤作元氏

故城西又北逕景山東又北逕楚

邱城西又東北逕成武城西又東北逕郕城東又東北逕梁邱

城西又東北

合汜水

於乘氏城西而北注菏水

濮水故道 句瀆故道

北濟於今河南封邱縣分爲濮水東至匡城東北與出於酸棗縣大河之醴合又東至直隸長垣縣東又分支津卽入狐河者或曰卽古沮水也其經流自濮陽故城南又東逕離狐縣故城南此漢離狐城不在山東境以後魏離狐城猶漢縣地故仍大書又東逕葭密縣故城北今荷澤縣西北小又東北

逕今荷澤縣北

鹿城南又東與句瀆合

句瀆首受濮水枝渠

即入瓠河

之枝

於句陽縣東南逕句陽縣故城南

受濮水當在句陽西南又東始能逕句陽城南

上句東南當作西南

又東入乘氏縣會濮水與濟同入鉅野

汶水故道

自發源至逕奉高

半汶出丰縣西南流至奉高汶水又南右縣見奉安縣沿革 城下注於汶水道不攷不錄

合北汶水出分水谿源與中川

長清中川河

分水東南流逕泰山東

今泮河似當作逕泰山西

合天門下溪水

今淲河

又合環水水出泰山南谿南

歷中下

今訛作階

兩廟間又屈而東流入於汶水

入北汶也

又東南流逕

南明堂下

詳奉安沿革南流逕南明堂下

北汶逕今泰安府城南又東漢明堂不在泰山麓明矣

世謂石

汶水山海經曰環水出泰山東流注於汶卽此水也環水又左

入於汶水

上文已著環水入北汶此當云北汶入汶據所引山海經蓋北汶環水得通稱

汶水又西南

逕徠山西又南逕博縣故城東屈從城南西流

今北汶入汶在汶逕博城

之後蓋與環水合即東南流逕博城西入汶古於汶未逕博城之前入汶則北汶當逕博城北又東至奉高城西南逕模明堂下又東合汶當在今故縣莊西南不遠觀注文合半汶後少南流即合北汶可見自逕博城至四汶口即今大汶口至戴村不錄

又西南自桃鄉縣四分謂之四汶口其左二汶雙流

西南至無鹽之郈鄉南又西南逕平陸縣故城北西逕危山

危山當在平陸故城西北今以唐中都縣北二十四里見元又

東平州東之龍山當之不合

今汶上縣北汶河雖元人西南入茂都澱

即今南旺諸湖

澱水西南出謂之巨野溝

澱本古大野澤地

又西南逕致密城又西南

入桓公河北水西出澱謂之巨良水西南逕致密城北

即古中都城也

其地當在今南旺湖西元和志謂在中都縣西三十九里與此合今汶上北草橋鎮有碑曰古中都邑非是注洪

二水故道次一汶云云以下見東平州沿革述征記泰山郡

今無考汶柴汶渚汶元和志乾封縣有五汶源別而流同曰北汶羸汶

半汶柴汶其一則經流也禹貢雖指曰鄆注無羸汶羸汶在今

萊蕪縣南三十里源出官山之陰流合半汶泮水源出泰山分

水嶺卽鄆注北汶州志謂之聖汶五汶之外有小汶羸汶合半

汶故鄆注不書五汶以小易羸斯爲富矣又有水出萊蕪縣寨

子村流合半汶者近志指爲渚汶據漢志琅邪靈門縣有高梁

山渚水所出東北入濰說文云水出靈門謂之渚汶合東汶入

濰故有此名在今莒州界與萊蕪縣無涉東汶出朱虛縣小泰

山北流至淳于縣入濰在今臨朐安邱界淮南子曰汶出弗其

西流入濟高誘云弗其山名在朱虛東是卽入濰之東汶言入

渚者淮南之誤也余按五汶之說諸書不同萊蕪之羸汶出非

羸地逕無羸城羸何以名惟原山之汶出羸地逕羸城則羸汶

卽汶經流故道元不之及據鄆注五汶是半汶柴汶北汶石汶

及經流也李氏胡氏並去石汶不數何耶泰安府縣志圖以經

流合天津河後名聖汶與胡氏所見州志又異齊乘以經流爲

北汶與鄆注不合至小汶古人統於涓水內乃柴汶別名有柴

汶不得益以小汶也。浯汶近志固誤然出壺山非出高梁山見
漢志其水自入雖不合東汶夫出泰山謂之汶東汶出小泰山
故亦得汶名有崕山水入之故又稱為崕汶浯水漢志水經注
皆不稱汶如說文說則增一汶矣出弗其之汶本文明言入濟
則弗其自是原山或餘四汶所出之異名而高氏誤稱在朱虛
東鄆氏駁之最是乃胡氏反據之以駁淮南弗思甚矣趙一清
五汶考以經流為羸汶與余說合惟不知成縣故城非沈水所
逕之盛鄉城因謂柴汶下流為大汶所奪水經注柴汶經成城
北在經陽關前未之見耶復不知今圖志之梁父城乃隋縣謂
水經注柴汶先逕梁父後柴縣為倒置稽考未審動謂古人為
誤大不可也惟鄆注敘柴汶自梁父東起其上流出自新泰者
略之不書趙氏因謂新泰之羊流河是柴汶正源其地正在梁
父東與鄆注合。漢書郊祀志作明堂於汶上顏注稱汶水出
朱虛己謬後漢書章紀祀五帝于汶上明堂注云汶水出太
朱虛縣萊蕪山朱虛不屬太山郡明堂所隨之汶
水非出朱虛萊蕪是縣名非山名真謬之謬矣

馬頰渠故道

趙溝故道

濟水逕微鄉東又北分為二水其枝津西北出謂之馬頰水北

歷安氏山北又西趙溝出焉東北於須昌縣注濟馬頰水又逕

桃城東

今東阿陶城鋪

又東逕魚山南又東

於今東阿縣城西北

注濟謂之馬頰

口

今東阿縣運渠以東水道未改仍稱馬頰河以西不可考

唐乾寧三年朱全忠遣龐師古伐鄆敗鄆兵於馬頰卽此通

鑑胡注以爲九河之一甚誤舊五代史梁貞明四年晉王率師次楊劉口遂軍於麻家渡新史范延光傳唐莊宗築壘馬家口以通汶陽皆卽此馬頰水也九域志鄆城有洮溝卽趙溝金史則謂之馬頰河蓋趙溝出於馬頰而鄆城之趙溝乃故將渠非馬家水所分俗旣稱爲趙溝因以馬頰名之耳

中川水

漢賓谷水

中川水出山茌縣之分水嶺西北流逕太原郡南郡治山茌縣西北與漢賓谷水合水南出隔馬山漢賓谿北逕盧縣故城北陳敦戍南西北流與中川水合謂之格馬口其水又北逕盧縣

故城東而北流入濟俗謂之沙溝水中川水今長清縣之北沙

河也二水今分入大清河不復合流疑水道改矣漢賓谷水長清之南沙

未合中川以前已逕盧城北合流後又北流似不能逕盧城東

所未詳矣宋書顏師伯傳世祖遣麗孟蚪赴討師伯遣荀思

達等合力行達沙溝卽二水上地名矣山河兩戒考引作賓

谷水以爲古國邑名春秋周大夫賓孟舊所食邑附會無據

長清縣志以中川爲玉符水以南沙河爲中川蓋以靈巖爲玉

符山不得

不爾也

聽水故道

灤水北出郭歷城漚波門又北聽水出焉東北流注巨合水劉

開下其故渠小清河引灤水由此道也入章邱境始爲古濟渠或誤以歷

城西之響河當之縣志已辨其誤今灤口大清河南岸灤水

上有橋焉立石其旁曰聽水橋其地已近灤入濟處聽水

分灤似在其南且橋跨灤水經流尤不得以聽水名也

楊緒溝水故道

逕章邱城東以前水道不改又北逕甯城○今本脫此字西而北流注於濟今章邱縣之獾河也今改從甯城東流又東北行小清渠爲小清河正源矣

龍水故道

逕於陵縣故城又西北逕梁鄒縣故城南又北屈逕其城西北

以前水道不改

注濟今孝婦河自長山縣西折而東北至新城縣東北合小清河

時水枝津故道德會水五里泉

時水逕西安縣石洋堰分爲二水枝津西流德會水注之水出

昌國縣黃山

今淄川縣東北黃山

西北流逕昌國縣故城南又北五里泉

水出縣南黃阜北流逕城西北注之德會水又西北世謂之滄

浪溝又北流注時水

淄川縣志德會水卽今豐水源出縣東北三十五里范王莊南名泉河頭又呼爲朱

龍河長山縣志鄭黃溝源出淄川豐水鎮又邑人李廷槐長邑山川脈絡說云邑龍自益都離金山層岡跌落岡西之水悉注漫泗河岡東之水悉入鄭黃溝北流邑龍連岡斷阜歷王墳莊南北驛臺至豐水南平地開源為德會水北逕昌國城東復西北流名朱龍河據此是鄭黃溝非即德會水矣意者所謂平地開源者乃五里泉水而鄭黃溝即德會水蓋贊山相傳為鄭康成讀書處鄭黃為德會之別名也但鄭黃溝逕昌國城東折而西北不逕昌國城南李氏稱平地開源之水逕昌國城東亦與五里泉逕城西不合或水道改也今時水支津既涸絕德會西北逕新城東又東北入籠水

高苑城又西蓋野溝水注之互詳新城縣沿革又西逕今新城縣城南西高苑

縣故城南西北至梁鄒城入沛九域志鄒平有系河即乾時水也今新城縣南有枯渠名烏河

或訛作吳作梧其故道也又西北今無遺蹟蓋龍水改而東北流縱乾時有水亦不能入濟矣

黃水故道

上承鉅野諸陂澤有濛濛育陂黃湖水東流謂之黃水又有僻

訓渚水自渚厯薛村前分爲二水一水東注黃水一水西北入

澤卽洪水也黃水東南流水南有李剛墓又東逕鉅野縣北此非

漢城詳沿革又東逕咸亭北水南有金鄉山鉅野縣之東界也又東南

逕亢父縣故城西其中謂之桓公溝南至方與縣入於荷水今

野縣北有蓮花石碑稻稻諸泊當卽此所謂諸陂澤也漚水東南流逕嘉祥縣南名長澹河卽黃水故道惟今逕亢父城東略異耳其中謂之桓公溝者黃水內有桓河一段也今嘉祥城東有枯渠與長澹河通卽桓瀆

以上濟之屬

洙水 泗水 洙支津故道 洙水

洙水出泰山蓋縣臨樂山注云地理志曰臨樂山洙水所出西北

至蓋入泗或作池字蓋字誤也洙水自山西北逕蓋縣通志蓋城在沂

水西北八十里距卞縣不下三百里重山相間無山達此今涑
水出涑水縣東北關山乃費縣蒙山之麓費北境有漢華縣故
址竊意蓋字乃華字之訛也余謂水經實本班志臨樂山本在
蓋縣西北又何說以通之乎自臨樂山至蓋是東南乃反云西
北班志水道誤處正多不必強爲之解特鄭氏亦仍其誤不可
解耳。讀書雜誌曰漢志泰山郡蓋臨樂山涑水所出西北
至蓋入涑念孫按臨樂山字涉上注肥子園而衍自景祐
本以下皆作子毛本又譌作于臨樂山在今蒙陰縣東北涑水
與沂水同出至蓋當作至卞此涉正文蓋縣而誤旣言涑水出
蓋則不得又言至蓋且水經與注並言涑至卞入涑卞有洞而
蓋無涑又不得言至蓋入涑也今本水經注引地理志作至蓋
此後人以誤本漢志改之今之涑水乃在曲阜縣北上源旣不
遠而下流又入沂不入涑與漢志水經故道迥殊綬按水經注
引至蓋之文而無辨語以爲後人所改得之今之涑水自發關
山如王氏說似涑水與出臨樂山矣曲阜北涑水乃俗之所謂
涑水非眞涑水王氏似不知別有眞涑水也改作至卞上文西
北字仍不可解卽改作西南至卞涑水並不出臨樂山不知更
何辭以解之臨樂山于字景祐本與上文蛇邱縣下齊人穢
于隧之于字隔一行相比所隔之行相比處無字似初衍當是
于字後訛于字與肥子字又隔一行且不相比無由涉之而

也又西逕泰山東平陽縣今新泰縣南西南至卞縣入於泗泗水

出魯卞縣北山注云水出卞縣故城東南桃墟西北墟有澤方一

十五里御覽引作澤西際阜俗謂之嫫亭山今歷山在費縣阜西北百二十里

側有三石穴廣圓三四尺穴有通石水有盈漏數夕之中御覽引作

漏則數夕之中則傾陂竭澤矣今漏澤湖也在費縣西北百三十里元和志稱在泗水縣東南七十里今猶兩

縣界上也俗曰雷澤齊乘云將漏之夕聲聞數里今泗自此連岡通阜西北四十許里岡

之西際便為泗水之源也博物志曰泗出陪尾蓋斯阜者矣石

穴吐水五泉俱導水源南側有一廟時則謂之原泉廟今泉林寺自漏

澤湖至此皆在卞城東南而經文謂之卞縣北山似誤以洙原

為泗原也○泗水縣共七十九泉匯為泗水注云五泉俱導指

今泉林寺中者然與名泗之義不合考縣東諸泉共分四支寺中者為一支合流於卞城東又西北則激雪等泉一支入之又

西黃陰諸泉滙為黃陰河一支入之又西至縣城東北珍珠等泉滙為濟河一支入之縣志云其水四源並發至城北八里始合為一泗之得名以此此皆南岸諸泉北岸小西逕其縣故城泉入之者尚多不之計者陪尾山在縣東南也

南今改逕南有姑蔑城西逕郛城北會洙水又西逕泗水縣北又西南

至魯縣東北十七里又分為二水側有一城南為泗水洙泗

之間即夫子領徒之所闕里背洙泗牆南北一百二十步東西

六十步因學紀問引與此同閭百詩曰以正義引伍緝之徒征記按泗牆二字當作面洙按夫子設教洙泗之間自是

背洙面泗下文云北門去洙水百步則南臨泗水可知又閭氏謂孔子時無闕里漢魯恭王徙魯於孔子所居之里造宮室有

雙闕因名闕里若然則漢時魯城已徙洙泗之間與水經注顯不合余謂闕里在洙南泗北聖墓亦在二水間而夫子宅自在

魯城內孔子時有闕黨必北門去洙水百步餘水南有夫子塚

胡古無闕里亦未足據又西過瑕邱縣東又南

泗自城北南逕魯城西合沂水沂水道今如故

過平陽縣西南逕漆鄉城西又南過高平山西又南逕高平縣

故城西洸水從北來東南注之洙水也又南過方與縣東荷水

於湖陵縣西六十里穀庭城南注之俗謂之黃水口又屈東南

逕郗鑒城北又東逕湖陵城東南通志引作湖陵東城南按注

陵云云乃注經文非有兩湖陵城也文於郗鑒城前引地里志湖

志又云東城在湖陵城東不遠誤左會南梁水經稱洧洧水

道不改。寰宇記係又東南鄒水注之據注文移此。經文係

此水於益都錯簡也魯取邾鄒東田及沂西田似鄒與沂相近今鄒縣白馬河東有

鄒東村鄒東村白馬河入泗在平陽地正瑕邱南高平北沂水

在其東或白馬河古有鄒名未可知也魏志平陽又東過沛縣

有白馬溝是後魏時不名鄒故道元不知歟備考又東過沛縣

東

出山北爲洙濱西北流逕孔里北又西南枝津出焉經又

南經瑕邱城東二十三里見元和志南入於石門西南流世謂之杜

南經瑕邱城東二十三里見元和志南入於石門西南流世謂之杜

武溝又西南逕南平陽縣之顯問亭西又南洸水注之

今滋陽縣府河

是今洸水合府河處在濟寧州東北似卽故處也

洸水上承汶水於岡縣西關亭東

元初

洸濱泗絕濟俸畢補國於剛縣故城之左作斗門遏汶入洸通泗始復其舊

西南逕盛鄉城西又南

逕寧陽縣故城西又南洸水支津注之洸水支津首受洸水

於

城西南逕瑕邱城北又西

逕今滋陽縣北卽

逕寧陽城南

今寧陽之

又

西南注於洸水

卽今漕河合洸處

洸水又西南逕乘邱縣故城東又東

南注於洸水

以下洸水通稱

又南至高平縣南入於泗水水西有茅鄉

城通志細味水經注洸泗各有經流不知何時會成一渠而洸

人循其上流之序以北爲洸以南爲泗今惟知有泗水洸水不

惟無其水其故道亦茫無知者聖里名川湮沒若是殊恨溯

泗無從矣今據經注詳考之始知卽今兗州之府河不惟其道

依然並其流如故特與泗分流之處稍違數十里耳曲阜城東

北五里有泉湧出西逕聖林南縣城北今名洙水屈而循城
南流於城西南合沂水自此又名沂不名洙又西至滋陽縣東
與泗水合此渠上源非洙亦非泗下流至城西乃古泗水渠其
城北泗水故道當在聖陵中今墓南有枯渠俗曰洙水卽泗
故道若今所謂泗水者既在泗水故道之北則是洙非泗明矣
卽今非古洙潰然洙泗并行一渠與古未分流時何異於滋陽
東仍分爲二與魯城東北分流者又何異南一支行泗渠人皆
知名之爲泗北一支行洙渠人獨不名之爲洙亦可怪矣府河
上流逕瑕邱故城東下流於濟寧州城東北合洙雖石門顯閭
不可考其爲洙潰已如指掌況此渠通塞歷載往籍人不察耳
隋書薛胥傳云兗州城東沂泗二水合而南流泛濫爲大澤胥
遂積石堰之使決令西注陂澤盡爲良田又轉逕通利盡淮海
百姓賴之號爲薛公豐兗渠據鄆注知其時瑕邱城東尚未合
流則合流當在魏末或齊周之世隋初已以洙爲泗以泗爲沂
似魯城東北已不復分薛胥立堰開元人之先觀利盡淮海知
合洙合泗不失其故矣元和志稱洙泗合流於瑕邱城東則唐
時又會而南下然開元二十六年元宗東巡任城縣令於其縣
東造橋以爲跨泗水別流之上鉅細詳婉則豐兗渠固自通
流也宋史李師中傳爲充濟二州刺史以濟水埋塞久訪故道
自兗城西南啟鑿功未竟而去觀此蓋唐中葉後漸以湮廢師

中雖未竟其功然使元人得因其緒亦洙泗功臣也此渠合洙
入泗皆在濟州故稱濟水元至元中遂於黑風口作石壩名以
金口洙泗之水方全出於任城東分南北濟運夫群胄過水但
云立堰不云開渠則豐亮卽杜武之舊可知宋之政鑿必求故
道卽豐亮之舊可知元明以來猶名濟河卽宋時所訪之故道
更可知今則南泗北洙安流如故特以泗源盛而洙源微曲阜
東北明泗不分流而世偏以爲洙明洙潰未收而世偏名
爲泗迨入滋陽泗潰中之洙既奪於沂洙潰中之洙又混于泗
至令修志者謂無可分析豈眞無可分析也哉○今濟寧州城
南運渠揆其形勢似卽洙洧合流故道惜無他確證耳○隋書
于仲文傳背金鄉城結陣去席毗羅軍數里設伏於麻田中兩
陣纔合伏兵發毗羅兵大潰皆投洙水而死通鑑胡注云洙去
金鄉遠或追奔至洙因投水死按齊周之世洙水當亦金鄉所
有蓋任城北徙亢父高平方與三縣皆省濟寧南境未必無析
入金鄉者但詳繹本文似去金鄉城甚近並無追奔情事此洙
水卽荷水耳班固誤以荷爲泗後又因泗而附會於洙今荷澤
定陶之間猶有小渠名洙河其下流亦入荷水或因此荷又得
洙名亦未可知附此備考○今水經稱泗水至濟寧州分爲南
北濟運按此元代水道明代導汶於南旺分南北入運府河第
濟南運不濟北運矣且泗水經流故道於舊橋入運縱不知府

河爲涑水亦當以爲泗之支流不得以當經流也 寧陽南之
漕河卽涑水支津故道其逕瑕邱故城北寧陽故城南可證也
特上流亦自有源非於魯城北分出故人不知耳合洗於滋陽
西北當卽涑支津入洗處 一統志以府河爲涑水故道余謂
今府河直以涑水行涑
潰不僅爲其故道也

黃水故道 豐水故道

黃水

出小黃縣黃鄉黃溝卽春秋黃池也東逕外黃縣南蔡邱南東注大薺陂

又東北逕定陶縣南

又東逕成武縣之楚邱亭北

成武縣之上又有又東逕山陽郡六字宋本作經文余以爲經文不載

黃溝則皆注文矣

又東逕

注文此下有郛城北三字衍文

成武縣故城南又東北逕北

郛城北又東北逕平樂縣故城南

今曹縣北之白花河城武縣南之新堤等河其故道又

東右合泡水

泡水卽豐水之上源也上承大薺陂東逕貫城

北又東逕已氏縣故城北又東逕孟諸澤

據此今城武縣西南境曹縣東境有古孟

諸澤地矣東北逕郛城縣故城南又東逕單父縣故城南又東逕平

樂縣合泡水

水上承睢水於下邑縣又一水上承睢水於杼秋縣又謂之狐蘆溝積爲渚二渠雙引左合澧水以

下澧池並稱又東逕豐西澤又東至沛縣入泗水○此水自大薺陂東流至平樂始合二池又東始名豐水故以池爲豐上源而大薺陂至平樂百許里之水何名乎大薺陂爲黃溝所匯然則平樂以西亦黃水支流矣

補武水故道

武水出今費縣南冠石山天井汪又名涑水東流入蘭山縣

界分支東逕縣北入沂經流東南流逕後魏卽邱縣故城西

又東南逕唐蘭山縣故城西

於此城北又分支入沂水

又南逕漢襄贛縣

故城東今郛城縣西又南至漢武原縣東南合武原水

武原故城

在今江南邳州西北八十許里

水經注曰武原水出彭城武原縣西北會注

陂南逕其城西又南合武水

今武水惟從支流於藺山縣北入沂水其經流涸無水者數十

里於故瀆中重源再發南流至

謂之泐水南至剛亭城又南

至下邳入泗

今入運渠。水經生無武水蓋誤以治水當之也見沂水考惟泗水篇武原水所合乃真武水

今補於武原水之上
泐水詳下泐水考

以上泗之屬

清淇故道

過內黃縣爲白溝自趙城又東逕空陵城又北逕喬亭城西去館陶縣故城十五里

又屈逕其縣北又東北逕平恩縣故城東又東過清淵縣故城

西又歷縣之西北爲清淵又東北逕榆陽城北又東北過廣宗

縣故城南爲清河

石

趙立臨清縣於水東

又東北逕界城亭東世謂之鬲城

又

東北過東武城縣西又東北逕復陽縣故城西

近志以今衛河爲清洪渠不盡

是也元和志館陶縣永濟渠卽白溝在縣西十二里卽縣境內之東漳河臨清西北之清洋江武城西境之黃蘆河其故道也隋唐時漳水行此渠卽縣志亦稱此渠爲老黃河宋史河渠志冀州有小漳河向爲黃河北流所壅是也唐時永濟渠在館陶境爲此渠東北逕臨清故城西門外武城永濟渠卽今衛河非古清洪渠明矣今衛河愈移而南在臨清故城南四五十里惟今館陶西門外之衛河卽唐永濟渠蓋永濟本非盡由白溝故道也今水經云衛河卽漢屯氏河此亦本元和志然館陶以西南則有之以東北惟臨清至武城似其別流支津亦無確據蓋唐時水道不可以例今也

膠水故道

拒艾水注文多有可疑者已詳膠州沿革

納張奴水以東北爲澤水渚百許里謂之夷安潭潭之澤周四

十里

既云百許里又云四十里殆不可解澤之澤上下似有脫誤

亦濰水枝津之所注也

濰水

於高密南都之南蓄爲塘下注夷安潭卽此枝津齊乘以今膠州北之都泊爲夷安澤考元和志夷安澤在高密北二十里唐

高密縣卽今治縣北十許里有百脈湖凡百許里濰水支津實注之若都泊則濰水支津所不至疑都泊百脈湖皆古夷安澤

又東北逕下密縣故城東此城在今昌邑縣東二十里下文所逕膠東城卽今平度州治在下密城

東南似不能先逕下密城而後逕膠東城也膠又東北逕膠東東西乃下密東南此句蓋謂逕下密東南境耳

縣故城西又北逕隋北海縣今濰縣東八十里見元和志又北逕今昌邑縣東三十

里逕漢下密縣東當在此又北逕平度縣縣有土山北厯土山逕掖縣西南

七十五里見元和志注於海此注文也經云過當利縣入海蓋作者時平度省入當利也注文又北逕平度

云云自承上膠東言非承經文當利言當利城在平度故城北三十許里也。自元開膠萊南北兩河今高密以北膠水故道

多不可考雖然據元和志膠水去北海掖縣里數與今北河去雖掖正同今平度西南分水嶺乃兩河分流處古膠水不能越

之而北海縣不止八十里且有分水嶺隔之再北似卽今泥河側去北海縣不止八十里且有分水嶺隔之再北似卽今泥河側

有土山可証。膠水發源諸城南山北至入海大勢直北微西而經注渠云東北膠州志膠水故道闕據此皆東北行則位道

嶺山東考古錄卷之二十九 西 蝸角尖廬

古城多有不合諸城志稱膠水分爲二支一入東海一入北海
意謂南河入東海北海河入北海也考今膠水合新河在吳家口
開其地在分水嶺南膠水第山南河合姑尤之水入膠州之少
海分水嶺以北乃平度境內諸山水匯流全與膠水無涉矣

堯水故道

堯水出劇縣南崩山故義山也亦名角林山水卽蕤水北逕嶼

山東俗亦名青水

齊乘堯水又名青考證曰館本水經注據永樂大典作青山則是嶼山之異名非堯水之

別又東北逕東西壽光二城間又東北注巨洋

漢志蕤水自入海或水道徙也

今堯水涸絕益都縣東有堯溝其故道也東北合丹水又不入巨洋矣

漪水

漪水出方山流入平壽縣積而爲渚水盛則北注東南流屈而

東北流逕平壽縣故城西而北入丹水謂之魚合口

今濰縣于河也齊乘

作虞一作行近志
無知爲古濟水者

女水故道

女水出東安平縣之地頭山

在今臨淄縣東南十五里一作菟頭一作菟頭又名吳頭又名鼎足

一作鼎足東北逕安平城東述征記曰女水至安平城伏流十五里

然後更注北陽水東北逕壟邱東東北入巨淀

今又名裾帶河通塞不常漢志

稱至臨淄入巨淀誤巨淀亦北陽水所匯故述征記云爾

時水 澠水 系水 澧水

時水出齊城西南二十五里平地出泉卽如水也亦謂之源水

因水色黑俗又目爲黑水西出逕黃山東又北歷愚山又屈逕

杜山北

通志杜山在愚山南蓋時水屈流故能逕其北

水有石梁亦謂之石梁水澧水

注之澧水出時水東去臨淄城十八里所謂澧中也

路史以在西安城南

者爲盡吹弁進軍之地以在臨淄者爲盡孟子宿處真妄爲分別

俗謂宿留水西北入於時水

時水又西逕西安縣故城南又西至石羊堰分爲二水

枝津見前

水又北逕西安城東又北系水注之水出齊城西南世謂寒泉

也東北流逕中門西爲申池北流逕陽門西水次有故封處齊

之稷下也

又引左傳定公八年陽虎劫公伐孟氏入自上東門戰於南門之內又戰於稷下蓋亦儒者之所萃焉接

陽虎事在魯城內安得混入齊之稷下乎

又北逕臨淄城西門北而西流

當是逕西門而西北

流

逕梧臺南

臨淄西北十五里

又西逕葵邱北系

一本誤作時

水西北迤爲

潭又西逕高陽僑郡南又西北流注於時水時水又東北繩水

注之澠水出營城東世謂之漢漆

或作湊

水西北流逕營城北又

西逕樂安南

南字

博昌縣故城南又西北入時水自下通謂之

繩也又屈而東北逕博昌城北又東北逕齊利縣故城北又東

北逕巨淀縣故城北又東北逕廣饒縣故城北東北入淄水

齊乘

時水通志略曰一名酈襄三年齊晉盟於酈是也其源歧淺多
涸又名乾時今按時水之源南近淄水蓋伏淄所發土人曰烏
河西北灌水入焉俗名泥河又北逕臨淄城北系水入焉系出
中池門側小阜曰包山俗又名包河並城北流分爲二俱入時
一支逕梧臺前入者曰系水一支遠至博興東南字監橋入者
曰澠水時水又北至新城縣東南索鎮口下通舟楫又北至博
興南地名灣頭小清河入焉又東逕利縣故城又東逕樂安縣
北又東至馬車瀆入海余按時水道無大變易今樂安境內又
名福民河惟澠水水經注謂出營城東齊乘則謂系水所分今
臨淄城東與北無澠水或古道如是元時已涸系水分支行其
故渠歟于氏既云一枝於梧臺前入時一支於博興南入時何
上文已於臨淄城北舊系水入焉耶于氏又引水經注云澠水
出臨淄城北蓋引出營城東逕營城北
北而誤與系分爲澠之說又自矛盾

淄水摘考

天齊淵

淄水山

萊蕪

縣西南山下世謂之原泉

泉字當作山字

淮南子曰水出飴

山蓋山別名也

山在博山縣西二十里縣志云魏收志亦名馬耳山俗名禹王山又有岳陽山在縣東南三十

里去原山五十餘里考淄水自原山東流凡十八伏現至岳陽山下見不復伏俗名泉河頭齊乘以爲卽原山固誤然亦如星

宿海之爲河源矣括地志稱

東逕臨淄縣故城南東得天齊

原山在淄川縣東北甚謬

水口水出南郊山下謂之天齊淵五泉並出南北三百步廣十

步山卽牛山也北流注於淄水

元和志寰宇記並稱天齊淵在臨淄縣東南十五里齊乘云此

淵在臨淄東南八里淄水之東女水之西平地出泉廣可半畝土人名曰龍池西北流入淄水牛山在淄水南遙以爲誌耳按龍池爲天齊淵唐宋以來無異說金人城東南徙故于氏里數不同近見吳振械天齊淵詩敘云出臨淄城遇安樂莊折而東涉淄抵牛山麓三泉側出厓石間噴薄下注下有盤陀石橫臥半畝許色深碧一穴圓如瑤泉湧穴中直上一穴尤小沸然怒

溢高皆丈餘視踰突雄壯不逮而奇過之泉在山麓最下而北
流注於淄以齊故城視今泉南北正相值又泉之數凡五證之
書傳歷歷皆合李餘慶以為城東南之龍池誤矣余謂龍池不
在牛山下又無所謂五泉得吳敘天齊淵始復顯於世蓋其泉
通時少而塞時多故知者少耳

流運東安平城北

此注文也利縣城在臨淄故城北微東五十里安平故城在臨淄縣東三十里禹貢錙指移

經文於注文下其言曰應劭曰博昌縣西南三十里有安平亭故縣也淄水自利縣東又東北流不得過東安平城也余按胡氏說甚謬此處經注皆承上臨淄為文自縣東北乃自臨淄縣東北不然淄水僅運利縣東南不能至其東北也東安平之北即利縣之東南若博昌西南之安平亭乃平安之側文即今新城東北之會城在臨淄西北數十里淄已過臨淄而東北流安得反至平安

入馬車濱

今高家港

東北逕琅槐縣故城南又東北

逕馬井城北

合時澠水

又東北至皮邱沈

沈字之訛

入於海

禹貢錙指稱壽光北清水

泊即皮邱坑考清水泊納南陽水女水乃古巨澠無可疑者馬車濱首受巨澠水又東北始至皮邱坑胡氏誤皮邱坑當已近

海或與海混爲一矣。漢志淄水至博昌入濟朱長孺曰馬車
漬以下乃濟水入海處淄水入海之道與濟水正同非經志互
有齟齬也禹貢雖指曰濟由馬車漬入海自金皇統中始前此
不爾也河渠書云與齊通淄濟之間故淄得由博昌入濟按淄
由博昌入濟今固毫無遺蹟水經與注亦不之及何耶時澠水
在濟水南淄由博昌入濟非絕時澠而北卽淄與時澠已於博
昌合流矣易牙辨淄澠之味二水合流似當近齊城但據河渠
書又似人力所開通分淄水運於博昌通濟其經流仍自入海
也俟再考。左傳昭二十六年成人伐齊之飲馬於淄者杜注
云淄水出梁父縣西北入汶卽今柴汶而鄭樵誤以爲臨淄南
之淄且云地志入沛水經入海
皆非而杜注爲是抑何夢夢

濁水陽水摘考 石井水

巨淀濁水所注

濁水今益都之北陽河也巨淀今壽光清

長

沙水

今陽河

東北流逕廣縣故城西舊青州刺史治

見益都沿革補十六國

志南燕廣固縣下云水經注淄水東北逕廣固縣舊青州刺史
治按逕廣固城者濁水非淄水舊青州治是廣縣非廣固城廣

固古未立縣。宋書索虜傳虜圍青州刺史竺夔於揚水兩岸設伏卽陽水 又東北石井水注之

水出南山頂洞門望若門焉俗謂是山爲劈頭山其水北流注

井非際廣城東側三面積石高深一匹有餘狀同洪井劈頭山在蓋都

縣南五里齊乘考證曰石井水有二源東源出李堡峪在山之

陽峪南山俗名李仙山或曰醴泉之訛山西阜西爲黃峪西源

所發也兩峪皆有石井窟穴深透村人略加椎鑿以通竊瓶而

西源特盛當夏秋霖潦時水溢出井西北流逕故廣城東爲瀑

水澗古名石井者目其源也自水經注誤以積南陽二水渾石瀑布爲井于氏因之非穴地出水之義矣北陽

流世謂之爲長沙水亦或通名之爲繩水據此知時澗之澗亦作繩此水或作澗皆誤也○南陽水本入巨洋注云後人竭斷令注濁水齊乘云南

陽水今復東流十五里合建德水入巨洋今水道與元代同

巨洋水出朱虛縣泰山北過其縣西注卽國語所謂具水袁宏

謂之巨昧王韶之以爲巨蔑亦或曰胸瀾

胡三省曰昧音莫葛反从日从末非昧字

後漢耿弇追張步至沫水卽此縣注有明文寰宇記係此事於臨淄縣非沫水所至也又三國魏志注九州春秋孔融爲北海相禦黃巾於沫水卽沫字之訛又唐書王師範拒朱友寧於石樓斬友寧遂北至米河石樓近臨淄則米河卽瀾水今又名瀾河又名洹河 其水北流逕朱虛縣故城西
遙逕其西五六十里不如經文得實 又東

北洋水注之

今臨胸縣北水道不收。漢志臨胸下石亭山洋水所出東北至廣饒入巨淀蓋以洋水爲正源巨

洋則略而不載不如酈注詳備入巨淀者乃支津非經流。宋書武帝紀巨蔑水去臨胸城四十里按巨蔑水正逕臨胸城下朱武時方度峴或指上源言之 又東北得邳泉口泉源西出平地東流注於

巨洋巨洋又北會建德水水西發逢山阜東流入於巨洋

齊乘建德

水出府南七里澗俗名七里河水東猶有建德村邳泉在建德水源之東北入建德非入巨洋也按水道或改未必注文之誤

逕益縣城東又東北積而爲潭枝津出焉謂之百尺溝東北

逕北益都城又西北注巨淀

朱謀瑋曰當作注巨洋考枝津今雖涸其故道正由王胡城東而北

注巨淀若經流在枝津東

流經又東北過壽光縣西

此經文或作注文引

巨洋自湖東北流逕縣故城西

此注文湖者上文積而為渾之水也經文亦承經流言壽光縣

志誤以湖為巨淀又誤以此經文作承枝津言遂謂今清水泊中霜雪城為壽光城謬矣

白狼水摘考

白狼水出丹山

昌樂縣志白狼河出縣南二十餘里大姑山通志謂出昌樂西南五十里雷鼓山齊乘白狼水

有二源一出丹山隋志作白狼山一出北海縣南小王莊平地上源合此始大按昌樂以南古皆丹山後人析名愈多耳然上源實不至雷鼓山也濰縣志稱源於其縣南一里雷鼓山萊州府志謂源於諸城雷鼓山愈繆○水逕漢管陵城北今逕營邱集南乃後魏縣城非水道改也○宋史河渠志元豐三年知維州楊采開白浪河維當作濰浪當作狼

沂水摘考叟園水 溫水 治水

沂水出泰山蓋縣艾山

有東中西三源俱在今蒙陰北沂水志敘述最詳

婁崗亦有

二源雙會東導一川俗謂之汶水東至蒙陰縣注桑泉水

水出今蒙

陰西南三十五里九仙山東北逕蒙陰故城東東北逕婁崗若

又北入桑泉水齊乘桑泉水又南合蒙陰水通名為汶河東注

沂自注云水經桑泉亦稱汶繆甚案陰志

溫水上承溫泉陂

稱汶水發源縣西北四十里巨圍山九繆

而西南入沂

水出蘭山縣東北湯山齊乘云沐水又南溫泉西來入焉古名溫水陂鼎足三穴沸如湯道元謂西

入沂非也按此亦水道改耳

洛水出泰山南武陽縣之冠石山地理志曰

冠石山洛水所出應劭地理風俗記曰武水出焉蓋水異名也

東南

流逕蒙山下又東南逕顓臾城北又東南逕費縣故城南

許慎說文云沂水出東海費縣東南入泗從水斤聲吕忱字林

亦言是矣是水東南所注者沂在西不得言東南趣也皆為謬

矣此水入沂正東南趣反以為繆殆不可解故世俗謂此水為小沂水又東南逕北城南又東南注於沂洛水戴本作治水與漢志合即今費縣西北其本名治洛皆浚之訛也出冠石山者乃武水漢志本誤非治水異名小沂河發源滕縣東北境東北流至費縣合浚河又名小淮河自下浚沂通稱許氏蓋以今浚河為沂水正源故云東南入泗並未有誤道元云云竟方向不辨矣班氏又以今招遠之姑水為治水尤謬

沭水摘考 葛陂水 粗水故道

沭水東南流左合

一本說右

峴水東南過其縣

東莞

東左與箕山之水

合

今小峴水於楊家城子東納箕山水即邳鄉城東也又西南抵孟母墓西入於沭與此異

又南與葛陂

水會水發三注山西南流逕辟城南積而為陂謂之辟陽湖西

南流注沭水

三注山在莒州東南六十里葛陂水州志不載疑卽州南陳旺河再考

沭水

自建陵城

又南逕陵山西又東南厯柵口城京相璠曰偃陽縣西北有柵水去偃陽八十里東南逕偃陽縣故城東西南亂於沂而注於

沭謂之柵口城得其名矣東南至朐縣入游注海

游字上下似有脫誤。偃

陽城在今嶧縣南五十里柵水今沭水在其東北作西北疑誤武水與武原水合流曰沭非今沭水今沭水有東西兩源西出嶧縣抱嶺固東出費縣崇山合於蘭山縣境既亂沂合沭必先絕沭或亂沭遂冒沭名柵口自在合沭處通志謂卽沭口恐非

淮水摘考

漢志或作淮省文也考詳前錄今俗讀作江淮之淮誤

荆水

浯水

又北過平昌縣東荆水注之水出縣南荆山阜東北流逕平昌縣故城東又東北浯水注之水出浯山東北逕姑幕縣故城東

又東北逕平昌城北古場此水以溉田南注荆水浯水又東北

注淮水

諸城縣志浯水於平昌城北荆水自西來注之水發源桃源村前志謂之石龍河實荆水上流也東北流於平

昌城南屈從東北流一里入於潞潞水又東流十五里逕葛岡南其南岸有廢渠逕霞岡東通長干溝至今潞水下流土人名爲渠河或以此歇又東五里至彭旺村入高密境又北十五里由北張落村入於濰長干溝者其上流爲塔西河又名岔河東北流至宋家泊村前有葛岡南潞水南岸廢渠水入之又十五里至高密郭莊南入於濰按水經注濰先納荆後納潞不知荆水在長干溝西北二十里外已入潞水東北合流未嘗自達於濰道元誤以長干溝作荆水耳又云潞水逕平昌城北古場以溉田南注荆水亦指葛岡南掘通之渠其云南注荆水卽指今長干溝也一誤皆誤矣余按古今水道不同正未可據今非古

東汶水摘考

汶水出朱虛縣泰山

注云

伏琛晏謨並言水出縣東南潞山山在

小泰山東者也

齊乘

今沂山絕頂穆妃陵側有瀑布泉懸百丈

中西來入焉自注水經有潞山水以爲汶源疑卽此水按東及
出小泰山卽今沂山潞山在安邱西南六十里于氏所稱未知
卽出潞山者否若潞
水自出壺山非潞汶
北逕管寧冢東故晏謨言柴阜西南有

魏獨行君子管寧墓又東北逕柴阜山之東有徵士邴原冢
齊乘管寧墓在柴阜東十餘里與此不合通志稱管墓在安邱
西南十五里古朱虛城側考朱虛城在臨朐境去安邱幾百里
又稱邴原墓在朱虛城外今考柴阜在安邱西五十里管墓在
其西南邴墓在其東今雖無蹟可考不難約略知其處通志說
謬甚